

म्हाने हिचकी आवे

म्हाने हिचकी आवे,
छाजे पर बोले कालो कागलो,
म्हाने श्याम बुलावे,
याद करे है म्हारो सांवरो ॥

सोऊ तो सुपने दिखे जी,
कोई बजा रह्यो है चंग,
भक्ता सागे मिल रह्यो,
कोई उड़ा रह्यो है रंग,
फागणियो आग्यो,
झाला देवे है म्हारो सांवरो,
म्हाने श्याम बुलावे,
याद करे है म्हारो सांवरो ॥

काम करूँ तो मन ना लगे जी,
म्हारो जीवडो उमड्यो जाए,
यूँ लागे सांवरियो म्हाने,
बगल खड्यो मुस्काए,
म्हने कुछ ना भावे,
जाऊं जटे ही दिखे सांवरो,
म्हाने श्याम बुलावे,
याद करे है म्हारो सांवरो ॥

काली कोसा बस रह्यो जी,
म्हारे मनडे रो चितचोर,
पंख नहीं तो उड़ जावती,
मैं सारा बंधन तोड़,
म्हारी सुध बिसराई,
नैन मिलाके म्हासे सांवरो,
म्हाने श्याम बुलावे,
याद करे है म्हारो सांवरो ॥

दिल को तार मिल्यो दिल से,
तो श्याम हुया आधीन,
हो घुड़ले असवार,
आयो मन को मीत,
म्हारी प्रीत पिछाणी,
मिलने आयो है म्हासे सांवरो,
म्हाने श्याम बुलावे,
याद करे है म्हारो सांवरो ॥

म्हाने हिचकी आवे,

छाजे पर बोले कालो कागलो,
महाने श्याम बुलावे,
याद करे है महारो सांवरो ॥

<https://visualasterisk.com/bhajan/lyrics/id/3162/title/mahane-hichaki-aawe-chaje-par-bole-kalo-kagalo>

अपने Android मोबाइल पर [BhajanGanga](#) App डाउनलोड करें और भजनों का आनंद ले |